




多雅和為語解  
三上





畫圖

青松下号盤石上樺皮冠号各所向山悠、水漾  
、避烟鶴号顧眸吞墨魚号何往恰似昔日中華  
上清宮裏遊浪

題畫扇



双蹇駝号共同行兩胡人号所向別山狀雪号梅  
帶雪回顧對看必有說

同

因香悠揚獨醒殿畔清雅幽微可以竹伴

題蘭

旁有竹

垂葉貫刺芳姿可摘一幅紙間万頃楚澤

同

旁有刺

伏燕飛自在小者叫無奈雨絲亂如麻柳陰且可  
待橫斜圭竹枝連綿雨下時飛不上号飛不下四



个黄雀兒

燕雀圖

蜀之江山猿之所轄樹上安乃自得看你捉水不  
着飛來峰前呼猿洞口自在去來依旧草裏  
混走

畫猿

虛空裏敗荷葉飛去蜚立者立

鸛鸛圖

食者不睡者不食死水中苦最裏開口叫不輟

山水圖

天台雁蕩之前岷峨衡岳之後達觀逸遊者不語而知有  
樹蒼而落翠山岩而露骨下有一扁舟撐出中天月

雪竹

嚼雪嚙冰按俗清雅方外交林下人可以語此

雨竹

雨声可听垂葉可摘無李氏非長公不足議矣



雜類

送碩侍者皈玄武山

碩師古在吾側日用現成何須說一頓飯了兩鍾茶白  
日青天無玄訣三春已過首夏來我佛聖制何山結來  
吾前忽言別單提一去最猛烈企望万里一突雲信腳踏  
翻旧途轍再見玄武主翁時七尺烏藤未可折

送訥侍者旋里

相別、此事如何可說門外樹、秋風幾曾更存途  
轍緊捎一緇草鞋不妨經水翫月從頭一、勘過常性不  
消一掣手相別、此事如何可說必悟再參白雲聽得鶴

声省徹

送貞侍者再參遠山

万木風清千江月皎碧落青霄被僧嫌少倒握山形  
烏藤条独標高出万人表再從旧途參遠山直向一喝梳  
先曉持斯言外無別傳正是吾家真吾僚

送才維那遊方

渾崙句子太無端等閑塞斷虛空口昔日與他打  
克賓分明落在瞿曇後乞与諸方拄丈頭黑、明  
、三八九之中一、搆得親藕州有与常州有

送通會侍者



葛西岩上房五閤落天香頭白顏初雪心孤先老  
蒼靜坐見山下秋風來自涼會師忽然至言別去參  
方黃檗打臨濟棒折羅隄防徑至高安室依旧沒商量  
待、持此語盡毒水勿膏、、婆心切家私不可外揚

送雲岳首座皈駿州

堂中首座有長處眼橫秋碧廓頂門葛西三載伴吾  
側日用現行水無痕提掇雲門乾屎橛拈却中峰破沙  
盆分付鉢盂曾未得神機歷、吞乾坤此回再入駿城去深  
揖江頭石人躡

送通方遊方

覓吾送行句教我如何說出門索、霜風起家私、  
已漏泄此去諸方勿錯舉、著分明助咲徹緊著一緇草  
鞋拈却主文七尺但得無畦畹裝和色一領直綴三界遊  
行自在由你魔宮虎穴曲果木上老儂無端不消一掣  
好个通方眼目分付少林妙訣行、千里万里一条鉄

次韻答方書記

兩載同居葛西寺每見為吾多道義一別背馳南北山  
重逢還是被僧氣當頭要斫雪峰牌容易何論俱胝  
指天亮茶罷便登途送出門前深有旨

送善首座



幾年相背馳雲山終不能得一解顏同緣忽會瑞峯下  
目擊道存自閑後斯以道互相期相聚而今許多時翻  
然來覓贈行偈春暖花香菜花披現成一句題言外說  
着分明更無礙等閑笑殺老天平出門靠倒懸布衲衣

送南國首座

英靈氣宇天然別神機獨脫威風烈星飛電卷絕  
遮梯雪厲霜凌全作畧是我行李來鳳臺戊子秋初  
風瑟、半榻白雲足可同一襟才力誰能敵已丑二月來  
言辭正是春風浩蕩時背日俊鶻何須比渡河香象  
截流機節拍相酬芳陽春白雪主賓互換芳當頭直哉

……沒商量日日從東畔出

送礼首座

搖教渠做第二座歷良為賤增口過趙州老漢太無端  
開口分明成話隨復初首座不恁麼今古何曾有兩個無  
毛鷄子貼天飛戴角菸菴當路坐

東山令藏主歸京師

大藏小藏搖是饒舌一默酬僧如愚如拙抹過東山下邊  
正是京城二三月緊着草鞋早出門春風浩、輕漏泄……  
成途轍千里万里一条鉄

送淨智琇侍者往藏春



秋風頗薄涼寂寥靈松寺况是為客中此懷與誰語忽  
逢一俊流會曰璉璣器訪我傾清論深有四方志昨從淨  
智來又往藏春去一舉千万程秋鶚何須比誠哉大丈夫  
悠然袒裼意

碩侍者旋里

樹凋葉落體露金風白雲三片兩片紅霞七重八重正好  
行脚時節被子或西或東筑後飽參碩德一夏共鉢必  
通曉來別我暫歸俗中就不見贈行偶然相往強作山  
歌唱一曲石人撫掌意無窮

次韵答令藏主

訓僧一默間殺氣逼人寒橫拈并倒用收放絕疎頑未離  
禹功寺已到靈松山卓超千古神機非等闲独我聞名  
久曾不能解顏忽逢便举着抹過万重关崑崙脚底黑  
花猫面門斑斑好个合頭語當陽不相怪

次韵送督知客奔本師之喪

別、端的別大人境界無生滅因思昔日陸大吏曰哭曰哭  
饒舌冒冬寒衝風烈駿馬何輟塩車轍轍轉一撓行一  
遭歸來方始為君說

贈嘉禪者旋里

秋風淒、秋雨霏、千山葉落兮雁南飛万籟声兮号



鳴悲禪初悠、驚定起倒握烏藤、何所之明朝高榭到  
家日滿目青山皆旧知

### 送牧姪

參方有志、而壯日用現行知趣向七尺烏藤挑鉢囊到  
処曾不容易放去探諸方淺与深大小高低領一狀快似  
俊駒奔絕塵秋鷗方振青雲上前頭逢著老凍餒索誰  
好施能伎倆開口便不是来當跨門一椀難近傍昔日雲  
門放洞山到舍、者三頓棒直下分明搆得親雲收万山与  
千嶂堪笑保壽不渡河況是玄沙徒自誑又笑善財去南詢  
百城烟水皆尋訪不涉二途語双眸北有吾堂南雁宕必竟

參方事若何好怎問著真禪將

### 送仁巖

戊子秋晚一錫隨緣且往肥後輕踞鳳巔庚寅二月散席  
復旋嶋郡風物怡土山川眼中歷、皆旧青氈春風浩蕩春  
雨連綿荒村弊寺無奈孤禪長掩柴戶不出門前兀、危  
坐憨、睡眠見佛加拜逢僧談玄行藏無礙用舍自然有  
客來訪倒屣接延野雲為号珠牧諱焉為吾師姪背馳  
數年茶間出紙覓我長篇忽言俗姪仁巖与傳泚筆就  
寫舉意不全紀時即景庚寅春天

小師還京無簡龍翁此山二位尊宿



一方一所最社全無些子規繩  
龜峰東山兩寺來者多稱  
盛與參玄直須具眼教汝回途  
便登正當七九六十三可  
將破初擔頭擔

送鳳侍者之西州

三日前來吾側覓贈行言相別  
秋風白日別無他東山  
老漢何敢說忽作兩霄四簷雨  
旨哉天留人不留再上方  
丈迫吾偈無伎倆話寫未收  
緊著草鞋快出門水悠  
兮山悠、何處不風流

次韵答石麟首座

朝遊南岳祝融巔暮在華峰宿  
万年眼底悠、寄楚

水胸中歷、是吳天鵲巢  
芳膝易成道土面灰頭不會  
禪倒却門前刹竿著有何佛法  
可流傳

竭東海國兩新元未展炊中師  
塔門何敢傳衣無智淺  
多聞付法老耽源先須借鉢以  
明用說甚搖乾并蕩坤  
陳睦州禪生意別石麒麟捉木  
羊吞

次明室首座韵

誰道祖庭零落秋閑房春宿有  
微猷不同韶石見靈  
對說甚玄師逢睦州万别千差  
俱坐斷七穿八穴轉以  
流臨機殺活合如是一榻東山  
且歇休

次韵答克書記



相逢舉着便知有不用東西南北分石女皺眉歌白雪木人  
觀足步青雲灯笼露柱通名喚萬象木林羅側耳聞說与  
東村王大伯解言佛是釋迦文

生來駛性村皂白亦難分滄海慣觀月青山且滯雲我  
曾呈已見君自解多聞咄書空日絕勝李杜文

和古鏡韵送溪禪者肯記百則公安案

東山溪姪師見我太何遲未得一言舉便將百則提天池  
流起浪涼樹茂生枝開善弄黃葉為兒且止啼

悼勝若

夙有同緣入此門雲愁万里別乾坤樞中童子肉力在堂

上老翁敢慶存供佛翁僧投善念誦經持咒慶幽憂  
閑邊語个平生事我亦惛然見泪痕

送用兄之東山省師

秋風送薄涼桂子落天香駒隙光陰逝客途行色忙  
再參呈已見一喝好提防我亦曾遊處東山多夕陽

次韵送碩侍者歸玄武山

背馳久不咲顏開一策春風忽訪來確古巖今傾海  
嶽青天白日起雲雷彼離玄武此鼃阜朝往峨嵋暮  
五臺消得臨機無別語秋梧翻葉再遭回

用不聞之韵貽環兄省師



玲瓏岩上起雲永平山前下雨此語金路善為到彼  
須看瀑布眼中歷青靈衲僧尋常家具去、好  
生提防愛經師前一步

寧教龜女頓成佛陸地雖逢臘月蓮針劄通時便  
知有分明報得母恩全

次書提婆品舊世韻

生前端不來東土死後何曾往獨西覲面提持在  
今日運斤須是鼻頭泥

和松岩首坐達磨忌韻

玄沙白紙一封來片意分明絕点埃舊地有人問  
端的早於吾道遠乎哉

和芝溪清巨舟見寄之韻

百越三吳諸道旧我來未舉已前知而今輕蹄

溪上仰作人天大導師

元

百丈叢林廢古規為山警策亦非時諸方雖有多  
知識邪法難扶說向誰

寄建仁別傳和尚

石頭城畔建初寺兩載同居話客腸常憶天津橋  
上別衝風冒雨過錢塘

大拙新來扶正法神山再得石翁時天涯獨步祥  
麟瑞海岸橫翔金鳳儀

和大拙寄石崖賀真任韵

同友多應去作龜可憐独我在池中安眠只到三  
竿日免得為霖為雨谷

和巖老石室見寄韵

風流壓倒老黃龜說法維橫万指中南北東西來



問道砂頭砂尾路急

既欲修書要問安江山万里一毫端深通鳥道并  
去路堪与吾兄共往還 寄訥大辯

且去江南兩浙觀依然秋熟与春寒分明眼底祖  
師意百草頭边有若干 次韵送僧之中華

八十四人阿轆、幾曾埋没在江西出門端的便  
相見處、春山杜宇啼 送僧之江西

次物外和尚韵送碩侍者回途

斬釘截鉄定請訛老拙癡愚較幾多个事分明參  
普濟好生無奈主翁何

瑤瑤殿上無知識明鏡當臺迥脫模一喝梳前  
隄防鳳凰來宿足蒼梧 次韵送步上人

解言慶讚只因齋時向西窗日影排休問乾明飛  
錫意相逢要斫雪峰牌 次麟首坐韵

攀石穿雲遊此地一双青眼望何窮潜通鳥道并  
去路遠在蒼波浩渺中 臨海亭

石背踰攀到上頭眼前渾似古杭州海門浪起雷  
声動憶得錢塘八月秋 望潮亭

石塔奉安師塔側聚沙功德已周矣美哉輪也美  
哉與仙樂時聽奏中天 為棠庭立石塔



語拙還如元五斗壁踈仙異老楊岐中會得  
中意終不勞佗制電梳 次韵宣負侍者  
馬師一喝事相談小室門風曾未灰有口當梳無  
可說秋深山寺再遭來

与淨髮待詔

手面梳尤烈頂門眼自高不存毫髮許遍界是霜刀

說長偈

東岸說

金阜柳侍自号東岸謁余求說余曰道之在天下猶如水  
之行地迴旋而東注也三百大川三千之支川狂瀾驚波橫  
流四達陷乎汨一焉而咸復故道無水而不東朝者也  
佛法東漸之謂也哉余辛酉壬辰之間遠訪古宋之地忽解  
纜于東海之岸而泛巨舶涉峻波而徑到於浙東放鉞于  
鄞江之東岸矣整袍而雲遊已過於西州而經淮之東西江之  
西東乃至乎三山亦兩廣皆爛遊而已遙望江東日暮之雲  
而來乎鄞江之東岸僑栖而二十年矣偶旋浙東在彼



遇着扁舟之便中旋迴東海城而終始到岸則知渡之冥行  
泣岐之人而置之康莊坦道之岸此吾道之望也亦學者望而  
逶迤至乎濶之東州相之東山司寺于東勝而返想深思乎  
往年歷遍之行李復旋故桑之孤懷千思万想皆是水之成  
復之理也亦東漸之謂使之然耶余与柳侍者語曰東岸之  
說但為吾之設也

### 玄極說

玄學之士可貴乎自玄、不極則玄亦不著矣玄極之義  
其大矣哉孔孟之書言王道極於仁義而已矣老莊之書  
言皇道極於無為而已矣百氏之書雜入霸道極於功利

而已矣似各擅一門而不能融會於大同之域也獨我佛之書  
單明性理謂諸法所生惟心所現極於一念不生而已矣非能  
玄能極之事未易望此真如門知客請於余玄極二字說  
余曰收精召神歛念泯智如木取根如蠶培土一旦發其玄  
而極其用知玄極之義自然而然乎

### 釋山說

吾佛世尊在雪山六載苦行於心覺山前明星現時已成其  
道、高迤如泰山如喬岳仰之極高鑽之極堅巍、乎  
蕩、乎不可得而名焉有望而不見者有見而不外者  
有外而不至者也上無攀仰下絕已躬所謂古者見山而



不見我、而不見山、者何物耶千山万岳之間舉目為白雲青嶂之所迷舉步為絕壁懸崖之所礙者古今能幾何人哉竺律師久在巖律中豈無壁立万仞矣

# 疏祭文

天澤和尚住淨智山門疏

山門久矣虛席伏養 大檀那鈞旨於本寺從例公舉三名到行府中拈阄而采中前淨妙某人山門具疏敦請補處住持本寺開堂演法祝延 聖壽萬安者伏以正續宗論單傳之家世豈可讓於諸任長壽下懸千金於市誰敢齒其餘子者茲故家喬木章是法門良材恭惟全提祖令之權豎亞頂門之眼理無礙事無礙觸處全彰心亦如境亦如現行三昧稻荷福地不堪舞袖長施淨智莊嚴正好玄關把定南有箕北有斗何妨



矯首相迎。伯吹埙。仲吹篴。同自声叶。應快。當期法輪三轉。助宣醒化。万年。

元中首坐住長樂山門疏

叢林秋晚。倘見黃菊。獨存。覺苑春生。幸逢曇華再現。山門增氣。法社真榮。故師之責任非輕。而衆之屬望不淺。人佛宗之親子。心續之嫡孫。海藏翻經。西江轉輪。峯下天宮說法。東吳万壽堂中。以名德爲一代之師。奉公符作茲山之主。緇素久聞於道。舉江湖共仰於清風。惠然而來。冰先師未了公案。熾然而說。整小室已。遂宗綱。拈香祝醒。壽万安。開堂祈英。檀百福。

容山和尚住壽福山門疏

匡徒行道。列祖宏規。遁跡深居。古德風致。信知在德不在力。孰不有祖而有宗。果得耆年。非形勢之激尔。來膺妙選。蓋物理之固然。龔惟公。雪後青松。霜前脩竹。必應直下之嫡子。天池三世之仍孫。拋鉢寄於靈松峯頭。奉公符於英檀府內。建法幢之宗旨。吳顧嚙苦茹辛。顯妙用發大機。貴國名行道重。願垂巧便。所望當仁演暢宗乘。聚四方之雲。被祝延。眷筭。同万国之山呼。

中岩和尚住相州万壽江湖疏

悅公取友。積翠不爲端也。寂音嗣法。雲菴非偶歆之然。



道在得於人。豈今之不如昔。人東陽真子。佛智的孫。汎汎月於福山。前無睦州。部石掌翰。墨於靈境。見有潛子。器之肆辯。雲其。削才泉湧。陶冶万物。回筆下之。陽春。耕糠九流。洞胸中之水鏡。當思大法為重。勿以小節自高。虎豹之文。來曰當仁。不讓。鯢鵬之化。有待期自必然。韜畧無全。名實相稱。吾輩協心。削牘。公何就枕掩淚。以慰鵲盟。幸回家步。

諸山疏 同人同所

梅州直下諸師。孰秉重寄。藤谷山中。遠光眼空。諸方不妨特地提綱。正好開堂演法。某人儀形山立。襟度淵澄。藏天壤於一節。瀉波瀾於千偈。化機密運。妙斷無痕。應世之才。公。

論不私。子循時而出。法社既得人。群被景從。如衆星仰維北之斗。大法欲墜。乃迷途指南之事。要若古佛應機。幸瞻吾師獨步。文脩講好。益固宗盟。

通叟和尚住清見山門疏

鏤鐫之劍。見清水而方淬其鋒。棟梁之材。須大廈而必展其用。行道各有地。至人居無方。某人法門先登。禪閑宿將。衣盂親受。密旨不負黃梅。佛法主張。此盟有如白日。高提惠林之鉉。寄他托大受之權衡。徇物多方。可說無可說。應機作畧。為人。不為人。瑞鹿山中。閑房夢斷。吳山楚水。金鼈背上。梵剎人登。方丈蓬萊。豈出處有心中。惟進退合轍也。何止宏。



開祖域于以丕贊 皇圖

無證首生住上終州額成山門疏

眉間宝劍孰敢嬰鋒手回灵機誰親辦的真善知識已見盛化於一方大聖文殊何徧度夏於三處惟嘉名而適舍西舍行其亦同其人雲叟親孫寒潭嫡嗣既是宗門碩匠奇哉大法元龜豈久卧福山蓮花之閑房合思與雲門睦州之風采平田九十吹鶴望相迎街市三百家雷動頻叶我等掃門以候惠然而來衆皆洗耳以聽願無訛說幸作真其法社庶無負於 聖恩

壽山首座住淨願山門疏

叢林凋零可見祇樹秋晚雲華瑞現方知法社春榮蓋此山乃如海開基道場况此日奉中書省府令旨行道各有地至人居無方龍龕惟某人憶曾傳宗真孫即自建長的嗣分半座於惠日峰頂踞玄關於武陵山中般若靈苗秀茂海國菩提種子深培岩田松筠遠徑梅遠軒歲寒固理三友約菰芥滿園禾滿廩日用高歌万年歡自己光明因言而顯道惟心淨土普佛而得名而衆又仰提綱一束何妨枉駕託吾師有遇祝 聖壽無疆

東山淋汗疏

浩主比丘某甲叩領當戒赤骨律比無怖無依無得力處惟



有暑天淋汗之重費不知所出矣但所望京師十萬家  
官貴長者本寺佗山同衣高德共成吾大檀越間日開  
浴衣必難哉

東山堂中今夏安得五百余員被袂西竺制裏即日禁  
護八万四千細行除于塵勞全顯清淨本然之理悟乎水性  
見成妙觸宜明之人堂下冷暖自知何待大小吾扣万人  
緣合咄嗟事辦一筆勾下慨然相從

洛陽東山建仁禪寺此乃千光建初寺也本朝名刹有  
經藏近在庫厨之上宝塔之下星霜久歷片瓦不修  
東倒西摧七零八落那堪看得上眼曾有漏之憂持

此小疏遍叩長者居士長老耆旧江湖兄弟十方檀  
度同此發心翻蓋功畢經已救得福有所歸者

高閣五千余軸只怕爛却架起二十一重函卷奉安其言如  
果日麗中天其理似百川朝巨海以一身好任九鼎之重此  
万人志若百鍊之剛圖報佛恩欲捐軀而嚙舌誓救  
法室以告誡而茹辛助發精進大心同垂慨然盛意法  
輪常轉室藏可無

### 祭龜山和尚文

嗚呼德高取林名重天下觀其進退在軌則啓迪衲子  
在公論可以稱万人之傑一人之師雖匡万衆於西嶺常



以一身思東顧。往來無間。議論無私。師又往矣。宜可待  
誰簞簋東山。蒼君翠姐。豆鴨川。連漪。庶幾去明鏡  
之藻繪。以清明而鑑之。尚亨。

徐東峯和尚文

垂髫就學。恩隆叔師。祝髮受經。不敢相違。辛酉秋末。言  
別遠之。父遊古宋。不言飯期。鄉心東逝。黃夕越飛。負和  
初曆。偶得重來。且留海西浪跡。支離家書。往還促東飯。我  
遙迤至京。亦得經時。其間心緒。不可以治。孤筇東下。蹈水  
万枝。但為吾叔千里走馳。一到小山。視我安地。既而月餘  
執巾相隨。及返相阜。重增憂悲。諸徒去。催促便宿。宜來。

府念日方獲爽。挽全身放下一節不移。泊然而去。儼尔神  
儀。吁。呼。紀綱已墜。憑誰扶持。法幢已倒。憑誰以支。尚餐。



序跋

賀龜谷維那頌軸序

昔大智禪師特約最林就立綱紀。只為投救末法比丘不正之弊。由是前賢力持遵奉奉行。而有教化。有條理。有始終。尚有老成者能守典刑。不敢斯復而去。左右自紹其已來。最林一變牢落而失其宗緒。綱不綱紀不紀。雖有網羅安得而正諸。故儘舉一綱則衆目張。弛一挽則万事壞。殆乎綱不振。最林不與。惟石雲悅衆一出於龜谷。乃指之中。休本以正末。但憂法度之不嚴。不憂學者之失所。其所正在私公豈比今時以私混公以末本者也哉。爰有彭大年自敢玉成而

作一章讚之美之巨瑞。而法窟同和共唱。可謂最林有紀網江湖有典刑矣。

悼龜門少室長老母頌軸序

龍門主翁少室持孝服於乃尊堂之柩前。嚴奉如在世。曾無少異。其至孝之誠。不待問而知矣。瑞峯掌記東山作偈。予慰并同衣共悼和之。可謂置愛別離苦於度外。視生住異滅於一致。然則一生一死有何間焉。

賀龜谷燒香侍者範無咎頌軸序

人生天地之間。皆稟乾坤之清氣。各有所能者也。學文者四六詞章難能之伎。學佛者見性明心難明之功。



而余遠從古宋竭來海國去春矣已自京師而來手相  
城就董於青龜隣峯大刹江湖勝士吹沫於此往  
高論倡頌而句法勝於疇昔今有密太虛輒賦四句偈  
以奉賀某人而侍香于龜峰好事同衣者唱和四十餘偈咄  
嗟以成乎編寄余作序余一觀之感激無量既能難能之  
伎亦明難明之功乃見元作體格勁正意味暴白句法蒼  
老顯乎見性明心之使工者也哉

賀鹿山湯藥侍者頌軸序

相城瑞阜乃佛社之雄者也壬辰仲冬明翁董之西方雲杳  
普會叢席再興祀業並行眷宿敢玉成英特而服侍正

是一時之鼎望也甲午春京師主上人得舟出橫翔於其間  
而司湯藥之職此公乃東峯之徒余之賢姪也人物偉然  
可掬乾坤之清氣而有好事者各作祇夜而美之夫大主  
不琢貴乎天真誠哉此言也

送董上人既遠州頌軸序

余來住相城青龜山下東勝禪刹相及兩歲矣甲午春  
久雨連綿累日不晴四圍亂石墻而崩頽黃土流落狼  
狽万狀一日天色晴呼使直聽法公數千餘輩搬石擔土  
余亦辟竹篋修破篋自作工吏做忙有餘忽有一童行  
報曰客來探開戶迎接而揖之便乃金峯董上人也獻



茶了出軸於袖中披玩有味不能解手而再讀罷能請余作序正冗忙中筆硯不知所在雖然如此不負來意聊覓硯墨輒美二十六首有工之高吟者也曰要唱陽關之一曲使君旋遠江之故桑正是薰風南來之時也

門侍者頌軸序

作淨頭

果自回生要廼辨曰得果者也世所希有者也所謂難能難行之是持淨、職一節也金阜庭柏侍者過于毫谷自肯作成為衆當從每朝掃地運水換筆詩出桶及夜剔灯點燭裝香燒湯眼界而寬容所在而淨潔其此等之事可謂修白業也乃見真履實踐之功匪為道忘軀而忘身矣

有此也矣其友于右心懷藏主輒成一偈為美之就同道隣峯名勝碩德以即於首韵同共喜讚而作巨軸清康於余、曰如雪豆在靈隱牧菴大惠在空峯會中皆服勤斯務也以後之視今猶今之視昔誠哉此言也

菊頌軸序

元朝至治泰定間余作吳頭楚尾之遊久留於金陵石頭古昇城北關下有店以白下為名要甲余慶之館廳每廳置盆菊而有四五十餘樣之花面以青黃等之色而外加以淡白雪白并淺紅濃紅、種、艷、色、重、方狀、異、蓋以春花與秋草之氣并應無可比者也此士大夫往客聞而勝集于



此筵宴而酒歌垂而樂皆是賞玩此菊而已別無所歎也  
余在彼見之以爲閭世奇異之事而過三十年始來海國  
古相正是甲午歲也爰有金峯世禪者於室中淨几上折  
一朵菊而捧瓶裏靜對而消日細嚼而過夜自有瓦甌換水  
養芳安之句可謂誠有句法凡謂艱深晦澁而易造優  
柔平淡而難 今觀公之詩并諸公唱和四十余章遠去  
難深晦澁之弊爲得優柔平淡之趣正知乾坤之清氣皆  
在心脾肝肺之間迥与白下設菊之愛何啻天冠地履之隔  
只者靈均食英叔達嗜句法致逸韻可以与此諸公並軫抗  
衡者歟

### 聞訃鮑鄉頌軸序

父母在家不遠遊斯迺先賢之至言也而世俗之至孝也爲佛  
子者亦不然尔便割愛出遊誓而不返者乃古衲之勝槩  
也淨智祥侍者忽聞尊堂之訃音黯然而旋里要持殯  
殯之孝服而仍行輩契友各作悼偈贈之持謁於余請  
序余曰一區滅而大海風休片雲生而太清容翳何若  
開廣大必照之鏡恢甚深寂滅之場殯乎其中殯乎  
其中而持孝乎其中一死一生何有間乎哉

### 春雨詩軸序

淨智田侍者袖出一詩軸帖呈余披閱乃春雨即景詩



也同志者就和之共計七八員余又復觀之其句巧而正其理微而幽專有諸家之格體故觀之者如身在上林衝風冒雨而目眩紅紫造化春生不知何自而來集自而去公之詩能低回乎寂寞之濱耐有天外之趣蓋安樂窩中打乖之人也余之所以重為之太息也

賀天山首座轉侍香頌軸序

凡礼於世為大往而人情之弔文也文和間先翁唱道於相之金峰日用軌則盛往昔輒知最林不治法輪不轉容衆之量不寬愛衆之心不厚疇克有此耶天山第二座說法解職而後敢王成就侍香同衣朋友以天

字為首韵賀偈數十員以為讚美請余作序方讀獻恬平壯浪道悟所謂集志之所形尔浩然溢乎中則沛然發於不可欺也孟子善養氣故其言鏗橫聲辯肆出而不惧其無所養而敏於言也天山自棄荒窮絕僻以止其進取之勢其志所趣固與人異而後濟其困且勞如是使常人而居之方戚相難而不暇近侍聽教通覆周旋而取無際之樂也天山曾不矜其志有思退憊懣悔沮之言其集之所養又可知矣然則侍香一節固天山餘事不足言余猶竊言之者蓋歎覽者知集志之所養如此

寶山金玉集序



笑已甲午間金峰之法席大盛于諸方皆賴主翁之道德  
所感其豈可以江湖名勝宿師大衲之蹴踏者也見指上人  
橫翔于其間久在薰陶塊中化挽生意深其肺腑故以閒  
暇日以倡贊懷古戲題數十余頁錄呈於上方觸其毒手  
中毒者十三人而已指公乃其一也所中之毒計共六編以實  
山金玉請余序余曰此毒種所觸者皆傷其何敢下口所  
以小心略說于右未也此是以傷其

金峰柏兄秋思詩軸序

余幸酉秋打海船遠入右宋之地自發足於東雪豆徑到  
西虎丘暫泊云清秋時也斯寺正在姑蘇臺畔介松以之

上水光接一碧千里是乃水月之國也其鄉友二子嘯凡  
夜榻邀月矮窗各賦言懷而今背記兩句云秋風淒淒秋  
雨霏霏千山葉落兮鴈南飛萬籟聲兮蛩鳴悲而已三  
十年後既來海城僑居葛西一日有法姪方忘袖軸子披  
閱之題意不知而讀罷方有姑蘇秋思也此詩乃若干篇  
柏師持謁金峰師文改正揀書得五十字作軸請予為序  
余曰知我罪我其惟春秋也誠哉斯言矣

淨妙雍侍者歸鄉省親頌軸序

夫子曰母在家不遠遊至孝之言也洞山誓而不歸家古今  
之勝槩也矣隅州雍侍者久出鄉曲於荷山數載今茲旋



里為毒志甚切也就江湖兄弟合辭贊美贈之三十余章  
集軸謁余見序余曰久矣不歸鄉便乃尊乎釋氏之孝也  
今促還鄉之情重乎儒家之孝也念斯二孝無乃天下之  
至孝也歟

賀鹿山庵門藏主頌軸序

文和甲午蒲節後三日余徙坐于見山軒下乍雨乍晴南薰  
微來砌下窺明生色淨几上課經已周游目遠山時有客  
謁門余迎接之乃鹿山庵門藏主也揖坐話間袖出一軸視  
之則無用西堂作賀之偈就山中麟龜輒印首韵共質頗  
及三十余計皆是趙宗越格佳麗清明者也請余求序

余曰明鏡上能呈五彩其清明者逝矣未知所對俯思  
許久管城子在側奮髯而起曰衆偈作賀皆然幸勿累  
我為好余輟手即肯之而已

肅兄歸獅子岩省師頌軸序

相城肅上人往乎古奧獅子岩自省令師古先和尚余与  
此兄未識荆也東山書記使人持來一軸求余序余曰古有  
其子以知其父今以其師而知其徒也珠玉在側泚筆凜然美

琛兄十格詩軸序

夫所謂詩者氣志之所形尔浩然乎中則沛然而發不可  
欺也武城琛兄与行輩八九自棄於荒窮純僻以背其進



取之勢而所養氣志不言可知矣。格詩謁於當代天澤  
和尚揀出數十章軸成請余需叙讀之。豐融怡平壯浪遵  
悟樂然如得意者其氣之所養不言而可知矣。然則是詩  
工文辭之美固諸公餘事不足言。余猶繁言之者。蓋欲覽  
者知諸公之氣志所養如此奇偉。余既主吾家之徒學論  
弊。若是使有琛師諸公厥志可勤者斯得矣。序此軸所以  
識吾徒之未能也。

### 瑞峯雪詩軸序

允宗師家一梳一境一往一來如紅爐上片雪相似。曾不留踪  
跡。見說近來諸大宗匠歎集於万年福源雪偈偶來於

瑞峰滿席上同共唱和就編在帙首金一觀之感慰無異  
已矣。僕短拙有余不能逐章但是此筆已矣。恰似福人吟  
雪詩也者哉。

### 天鑑頌軸序

瑞峰圓侍者自号天鑑。諸大宗匠作偈共證之。求序於  
余曰。大哉天鑑之義矣。天也者明而不察鑑也者淨而無  
滓。而日月照臨於下。界山河大地草木叢林情与無情物  
以万來無不照者也。然則天号鑑号不可得而言要若也。  
覆盆之下者吾末如之何也已矣。

### 夏日得家書詩軸序

通身



千人之諾、不如一士之謬、誠哉此言也余愛此語久矣而閱諸徒之謬、者不可得而見歟獨有小德通育是乃駁城人氏背記唐詩三百家嗜詩如蔗扣問者年長德深思應律合節而出語波峭只見其進未見其止而非前所謂一士之謬、者也一日輒成夏日得家書之一絕就福鹿兩寺名勝龜金三峰之江湖印韵集篇一軸謁序於余曰它日豈止飲馬長城窟而已哉育師志之

### 東岸侍者頌軸序

大凡衲僧家一揆一授一往一來皆是臨機應時不涉遲擬豈容湊泊柳東岸忽有大方之遊就西庭首座作偈贈

之滿席上江湖名勝唱和共韵三十有余篇毒攻毒梳篦機各有衲僧之作略可喜可觀就中有大地作鞋天作笠之句而橫秋氣宇臨行之風標不待言而知之若是通方作略摩醯之眼只還東岸侍者始得

### 傑上人詩軸序

凡詩能主乾坤之清氣而謂艱深晦茫亦造優柔簡淡天下之士是皆欲之能事未易至此然故專尚浮淫新巧而聲固艷矣案固矯矣相城龜谷傑上人之詩乾坤之清氣盡入其手胸中所存浩、不可易矣非前所謂不涉者所能也是乃有本者如是也哉此詩首尾備乎其師叔前次



明岩和尚乙未之跋語明說若果日余更不可重說矣

回上人歸鄉省親頌軸序

河內回上人割愛出遊久在叢林中不願還家乃有古  
洞山之風規也秋尽冬初忽促旋里之興但為母之情甚  
切也孔丘所謂父母在不遠遊矣父而不還鄉也尊乎釋  
氏之所傳今而歸也重乎先儒之所教也就行輩朋友  
以二十余偈美之贈之集作手卷謁序於余、念斯  
二者不可不敬要故書於卷首

送諶上人旋鄉詩軸跋

甲午元宵之後天也久晴家、巷街輒爽處、峰巒清

麗余百但為建長保寧兩處之面礼与二三子相苦而過  
巨福嶺於半途忽逢一俊衲明秀膚敏者近前揖之金峰諶  
煙也黯然而見於面目袖出一詩軸言旋里同道交友者  
數十餘負以詩贈別歎為之作跋余云途中不著便歸  
家理會而去各處礼徧而歸家有一小子捧其詩軸傳于  
彼公之說請余跋余呼管城子相共話會曰正是後園裏  
菜花而黃可以被子從堂而起之時節也聊歌陽關之三  
疊亦贈之云尔

寄友詩軸跋

湘畝万竿高節風姿而寄語于姑射真人其高標清



致專天下之清者莫甚斯二君也而今觀諸公憶友之詩  
誠有晉唐之風彩乾坤之清氣者也不是林下人方外友  
不可議此矣

永享三年辛亥秋八月初三日在東山永源精舍泚筆墨





